

宋史新編卷九十二

列傳第四

明南京戶部主事

孔道輔

子宗翰

鞠詠

劉隨

曹修古

子觀

郭勸

段少連

孔道輔字原魯初名延魯孔子四十五代孫也父勛進士及第歷殿中丞通判廣州以清潔聞累遷尚書工部侍郎致仕卒年八十九道輔第進士授寧州軍事推官歷左正言受命日卽論奏曹利用羅崇勳竊弄威柄宜早斥去未幾爲直史館判三司理欠憑由司奉使契丹道除右司諫龍圖閣待制契丹宴使者優人以文宣王

爲戲道輔艱然徑出契丹使主客者邀還坐且令謝道
輔正色曰俳優之徒慢侮先聖而不之禁北朝之過也
道輔何謝契丹君臣默然又酌大庖謂曰方天寒飲此
可以致和氣道輔曰不和固無害旣還言者以爲生事
仁宗問其故對曰平時漢使輒爲所侮若不較恐益慢
中國帝然之歷右諫議大夫權御史中丞會郭皇后廢
道輔率諫官御史凡十人詣垂拱殿伏奏皇后天下之
母不當輕議絀廢願賜對盡所言帝使內侍諭至中書
令宰相呂夷簡告以當廢狀道輔語夷簡曰大臣之於
帝后猶子事父母也父母不和可以諫止奈何順父出

平夷簡曰有漢唐故事道輔曰人臣當道君以義
豈得引漢唐失德爲法邪夷簡不答卽奏言伏閣請對
非太平美事於是出道輔知泰州頃之徙徐州又徙兗
州遷至給事中在兗三年復入爲御史中丞道輔性鯁
挺特達風采肅然及再執憲權貴益忌之會受詔鞠馮
士元獄事連參知政事程琳宰相張士遜素惡琳而疾
道輔不附已將逐之察帝有不悅琳意卽謂道輔上顧
程公厚今爲小人所誣見上爲辨之道輔入對言琳罪
薄不足深治帝果怒以爲朋黨出知鄆州道輔知爲士
遜所嘗憤惋道卒年五十四天下莫不以直道惜之後

宋史宗翰傳卷九十二
帝思其忠特贈尚書工部侍郎子宗翰

宗翰字周翰登進士第知仙源縣遇族人有恩不以私故黜法歷判陝揚洪兗諸州皆以治聞哲宗初立求言吏民上書以千數詔司馬光采閱其可用者十五人獨稱獎其二乃宗翰與王鞏也召爲司農少卿遷鴻臚卿請自今孔子之後襲封者勿兼官使終身在鄉里詔改衍聖公爲奉聖公不領他職進刑部侍郎屬疾求去以寶文閣待制知徐州未拜卒

韓詠字詠之開封人十歲而孤好學自立第進士歷著作郎知山陰縣仁宗卽位爲監察御史錢惟演自亳州

來朝圖入相詠言惟演儉險嘗與丁謂爲婚姻緣此太
庸後揣知奸狀懼牽連得禍因此力攻謂今若遂以爲
相必大失天下望太后遣內侍持奏示之惟演猶冀望
不行詠語諫官劉隨曰若相惟演當取白麻廷毀之惟
演乃亟去大安殿柱生芝草召羣臣就觀詠言陛下新
卽位願以援進忠良退斥邪佞爲國寶以訓勸兵農豐
積倉廩爲天瑞草木之怪何足尚哉時王欽若復相詠
數睥睨其短欽若中以事出通判信州又坐事徙邵州
欽若卒還詠殿中侍御史爲三司鹽鐵判官天聖六年
夏大星晝隕有聲如雷詠條五事上之以尚書禮部員

外郎兼侍御史知雜事權同判吏部流內銓爲三司鹽鐵副使八年特置天章閣待制以詠及范諷爲之節度使張士遜入覲冀得再用詠論奏乃赴鎮明年詠卒嘗著道釋雜言數十篇別構淨室以居自號深寧子

劉隨字仲豫開封人進士及第爲永康軍判官轉運使李士衡託以事不從乃奏隨苛刻罷歸初西南夷市馬入官苦吏誅索隨爲繩按之及是夷人數百訴於轉運使曰吾父何在事聞乃得調歷右正言右司諫爲三司戶部判官隨在諫職數言事嘗劾奏江淮發運使鍾離意奇花怪石數十艘納禁中賂權貴累疏論丁謂姦

不宜還之內地胡則謂之黨既以罪出不宜復進職
王欽若既死詔塑像茅山列於仙宮隨言欽若職污無
忌憚豈神仙耶李維以詞臣求換武職隨言非所以勵
廉節仁宗既益習天下事而太后猶未歸政隨請軍國
常務專稟帝旨又諫太后數幸外家太后不悅會隨請
外出知濟州改起居郎久之遷尚書刑部員外郎入兼
侍御史知雜事上言比年庶官僥倖請託或涕泗祈恩
或衒鬻要賞亦有位尊職重請求靡厭按察之司燕安
顧望以容奸爲大體以舉職爲近名以巧詐爲賢以恬
退爲拙以至貪殘者瀆于貨財老疾者不知止足請行

申徹之法朝廷爲下詔戒中外未幾權同判吏部流內
銓改三司鹽鐵副使使契丹以病足痺辭不能拜及還
有司劾奏奪一官出知信州歷戶部副使改天章閣待
制卒隨與孔道輔曹修古同時皆以清直聞隨臨事明
銳敢行在蜀人號爲水晶燈籠初使契丹還會貶而官
收所得馬十五乘既卒帝憐其貧賜錢六十萬

曹修古字述之建安人進士起家累遷監察御史上四
事又奏唐貞觀中詔致仕官班本品見任上欲其知恥
而退也請敕文武官年及七十上書自言特與遷官
又仕仍從貞觀舊制卽宿德勳賢自如故事仁宗嘗爲

殊以笏擊人折齒修古奏殊恣陳亡大臣
三公不按吏先朝陳恕於中書榜人卽時罷黜請正典
刑以允公議禁中以翡翠羽爲服玩詔市於南越修古
舉真宗禁採絨毛故事爲言命罷之時頗崇建塔廟議
營金閣費不可勝計修古極陳其不可久之出知歙州
歷殿中侍御史擢尚書刑部員外郎知雜司事權同判
吏部流內銓未踰月會太后兄子劉從德死錄其姻戚
至於廝役幾八十人馬季良錢暖皆緣遺奏超授官秩
修古與楊偕郭勸段少連交章論列太后怒削一官判
杭州未行改知興化軍會赦復官卒家貧不能歸葬賓

佐贖錢五十萬季文泣曰其母曰奈何以是累先人拒
不納太后崩帝思修古忠特贈右諫議大夫賜其家錢
二十萬修古無子以兄子觀爲後觀知封州與儂智高
戰被執不屈爲所害棄屍江中時年三十五贈太常少
卿弟修睦性廉介同修古舉進士累官司封員外郎出
知壽州徙泉州坐失舉奪一官罷後以知吉州不行分
司南京未幾致仕章得象表其高詔還所奪官

郭勸字仲褒須城人第進士累擢殿中侍御史論節度
使錢惟演不赴陳州覬望相位弟惟濟任觀察使定州
自請遷留後胡則以罪罷三司使乃遷工部侍郎

又論劉從德遺奏恩濫貶太常博士監維州稅改祠
員外郎知萊州月餘復爲侍御史判三司鹽鐵勾院
郭皇后廢議選納陳氏勸諫郭氏非有大故不當廢陳
氏非世閥不可以儼宸極疏入后已廢而陳議遂寢歷
天章閣待制知延州元昊將山遇率其族來歸且言元
昊將反勸與兵馬鈐轄李渭奏郤之是冬元昊果反遣
其使稱僞官來勸視其表函猶稱臣因上奏可漸以禮
屈之願與大臣熟議遂落職知齊州改淄州數月移磁
州元昊益侵邊關陝擾攘言者猶指勸絕山遇事又降
兵部員外郎累遷翰林侍讀學士同知通進銀臺司勸

性廉儉居無長物嘗謂諸子曰顏魯公云生得五品服
章紋枉子爲齋郎足矣及再爲侍諫曰吾起諸生志不
過郡守今年七十列侍從可以歸矣遂用元日拜章三
上不得謝賜白金使市田宅後二年卒子源明治平中
爲太常博士會呂誨等議濮王典禮被黜以源明補監
察御史裏行源明乞免除命請追誨等遂聽免後以職
方員外郎知單州卒

段少連字希逸開封人舉服勤詞學以省郎更數縣令
歷御史臺推直官遷太常博士論劉從德遺奏恩濫降
恩求軍酒稅復爲博士通判天雄軍太后崩召爲

侍御史與孔道輔等伏閣言郭后不當廢少連坐贖
仁宗因戒諭言官有章宜如故事密上毋得羣詣殿門
請對少連復上疏曰唐陽城王仲舒伏閣雪陸贄崔元
亮叩殿陛理宋申錫前史以爲美事今陛下未忍廢黜
皇后而兩府列狀議降爲妃諫官御史安敢緘默陛下
深惟道輔等所言爲阿黨乎爲忠亮乎不報又上疏謂
陛下履仁聖之具美乏骨鯁之良輔因成不忍之忿又
稽不遠之復願詔復中宮位號杜絕非間待之如初未
幾除開封府判官改尚書刑部員外郎直集賢院爲三
司度支判官出爲兩浙轉運副使又徙使淮南兼發運

司事又徙陝西入兼侍御史知雜事踰月爲度支三司副使擢工部郎中天章閣待制知歷州時元昊反范仲淹薦其才遷龍圖閣直學士知涇州改渭州命未至卒少連通敏遇事無大小決遣如流不爲權勢所屈旣卒仁宗歎惜之

論曰人主賴以繩糾愆違折奸萌而消禍始非直臣不可詩人所以賦羔裘也當仁宗冲齡母后臨朝而內外肅如邪慝爲沮計謂非廟堂有人哉時孔道輔鞠詠劉隨曹脩古迭爲諫官御史郭勸段少連繼之皆侃侃諤諤觸禍謫不少挫及帝親政道輔勸少連復任言責郭

后之廢同范仲淹楊偕蔣呈數君子引議慷慨犯萬衆
賢相臣其氣彌壯宋世名節之士於斯爲盛焉

彭乘

嵇穎

梅摯

司馬池

子旦從子里曰孫也

李及

燕肅

子正反孫英

蔣堂

劉夔

馬亮

陳希亮

彭乘字利建華陽人進士及第嘗與同年生登相國寺
閣乘獨西望悵然曰親老矣安敢舍晨昏之奉而圖一
身之榮乎翌日奏乞侍養俄授漢陽軍判官遂得請以
歸父之薦試爲館閣校勘固辭還家後歷祕書丞集賢
校理懇求便親得知普州蜀人得守鄉郡自乘始普人

鮮知學乘爲興學教之父葬有甘露降墓柏人以爲孝
感累遷翰林學士領吏部流內銓三班院爲羣牧使卒
初修起居注仁宗召見諭曰卿先朝舊臣久補外未嘗
自言對曰臣生孤遠自量其分帝頗嘉之及病勅醫診
視賜珍劑卒賜白金三百兩乘質重寡言不喜事生業
聚書萬餘卷皆手自刊校蜀中所傳書多出於乘晚歲
歷典贊命而文辭少工云

嵇穎字公實應天人進士及第累遷翰林學士未及謝
卒仁宗命以誥敕襲衣金帶鞍勒馬賜其家穎謹厚爲
學張堯封嘗從穎學所爲文多留穎家其後堯封女入

禁中爲修媛母被寵幸令其弟化基詣穎求編次其父
藁爲序以獻穎不答亦不以獻

梅摯字公儀成都人進士起家大理評事知藍田上元
縣徙知昭州通判蘇州慶曆中擢殿中侍御史時數有
災異引洪範上變戒徙開封府推官遷判官改度支判
官進侍御史論石元孫不死行陳係縲以還國之辱也
不斬無以厲邊臣再奏不報李用和除宣徽使加同中
書門下平章事摯言國初杜審瓊亦帝舅也官止大將
軍李繼隆累有戰功晚年始拜使相祖宗慎名器如此
今不宜亟授無功以戶部員外郎兼侍御史知雜事權